

Rabinek neurri gogorrekin zigor litzake berriz ere palestinarrak

Biolentziaren gorakada dela eta segurtasun kabinetea bildu zuen atzo larrialdiko bileran

Oposizioak dimisioa aurkez dezan exigitzen dion bitartean, Yitzhak Rabin Israeleko lehen ministroak segurtasun arazoetarako kabinetea bildu zuen atzo Lurralde Okupatueta azken egunetan larritu egin den biolentziari aurre egiteko modua topatu asmoz. Astelehenean eta atzo lau israeldar hil ziren, eta setio egoeran daude Gaza eta Zisjordanian bart gauerditik.


JERUSALEM

Gazako lurralde okupatuan bi palestinarrak hil ostean, atzo trafikoko polizia biren gorpuak aurkitu zituzten tirokatuak Hedera hirian, Israeleko erdialdean.

Gertakari hauen ostean, Rabin lehen ministroak bertan behera utzi zituen atzoko zituen konpromezuak, eta larrialdiko bileran bildu zuen segurtasun kabinetea. Rabin gainera, Parlamentuko segurtasun eta atzerri batzorde berezietan Lurralde Okupatueta egoeraren berri ematekoa zen.

Trafiko polizien hilketa batera etorri da Israeleko komunitate arabiarrek eta palestinarrak urtero ospatu ohi duten «Lurraren Eguna» (Egun berezi horretan, duela 16 urte Israeleko Poliziarekin izandako enfrontamenduetan hildako sei lagunak gogoratzen dituzte).

Baina duela urte ugari gertatutakoak hobetu ez diren erakusgarri dira azken egun hauetan izandakoak. «Larrialdi eta gerra egoera jarri behar da indarrean



Setio egoerapean dauden palestinarrak ugari atxilotu ditu Israeleko Poliziak.

EPA

herrialde osoan, Armadari beharrezko aginduak eman eta terroristei heriotza zigorra ezarri», berretsi zuen atzo Rafael Eitan Tsomet alderdiko buruzagi eta Armadako komandante ohiak.

Adierazpen hauek agerian utzi dituzte bai Israelen bai Lurralde Okupatueta dauden jarrera erradikalak eta lehertu litekeen tentsio giroa. Egun hauetan bizi den antzeko egoera baten ostean agindu zuen Israeleko Gobernuak 400 palestinarraren deportazioa, eta atzoko bileran ere indarrezko neurrietara jo zezaketela zabaldu zuten atzo berretsi gabeko informazioek.

Identifikatu nahi izan ez zuten Gaza eta Zisjordia buruzagi

palestinarraren arabera aitzitik, «azkenean Lurralde Okupatueta kontrola uztera behartuko duen tentsioa ari da sortzen bertan».

Gaur amaituko den hilabete honetako eraso zenbatekoa 1987. urtean *intifada* hasi zenetik ezagututako handienetakoa da, palestinarrak 15 israeldar hil baitituzte. Soldadu eta poliziarekin izandako enfrontamenduetan palestinarrak ugari ere hil dira.

BAKE NEGOZIAKETAK BERE HORRETAN

Giro nahasi honek ez du Ekialde Erdiko bake negoziaketek aurrera egin dezaten batere laguntzen. Israelekin negoziaketetan aritu diren herrialde arabiarrek gaine-

ra, alde biko elkarriketa gehiago ez dituztela izango hitz eman die Palestinaren Askapenerako Erakundeari (PAE) Ekialde Erdiko irtenbide oso bat lortzeko asmotan.

Wafa agentzia palestinarrak PAEko iturriak aipatuta atzo zabaldu zuenez, bakerako exigitzen diren oinarriak berberak dira, alegia, Lurralde Okupatueta erretiratzea eta Libanoko Segurtasun Eremuatik irtetea eskatzen duten NBEko ebazpenak.

Deportatutakoen auziari dagokionez bere horretan jarraitzen dute eskakizunek, guztiak aberriatzen ez dituzten bitartean negoziatio mahaira ez direla itzuliko baieztatu baitu PAE.

LABURREAN

NBEk luzatu egin ditu Iraken aurkako zigorrak

Nazio Batuen Erakundeko Segurtasun Kontseiluak hiru hilabetez luzatu zituen Iraken aurkako ekonomi zigorrak. Besteetan bezala oraingo honetan ere indarraren erabilpena aipatu du Segurtasun Kontseiluak «zigor guztiak altxatzeko edo erabat aldatzeko beharrezko baldintzarik ez dago» arrazoituta.

Bi gizonezko hil dituzte babes etxe batean

Bi gizonezko hil ziren herenegun gauetan Hamburgeko (Alemania) errefuxiatu atzeritarrentzako babes etxe batean izandako tiroketan. Gertakari honen ostean ustezko hiltzailea harrapatu zuten, tiroketan zauritutako Jugoslavia ohiko herritar bat. Bertako Poliziak borroka eta tiroketaren arrazoiak aztertzen jardun zuen atzo, gertakariak argitu asmotan.

KANPUTXEAKO 3.500 errefuxiatu aberriratu dituzte

Kanputxearekin muga egiten duen Tailandiako azken errefuxiatu zentroa itxi zuten atzo, bertan bizi ziren 3.500 errefuxiatuak aberriratu egin baitzituzten Nazio Batuen Erakundeko Errefuxiatuentzako Komisariatu Nagusiak (UNHCR) babestuta. Bertako iturri ofizialen arabera, Kanputxearako bake operazio zailak izan duen «atal arrakastatsu bat izan da azken hau».

TADJIKISTANEKO Gobernuko koalizioko buruzagia hil da

Sangak Safarov, Tadjikistaneko Gobernuaren aldeko «integristen aurkako koalizio» buruzagi karismatikoa hil zen atzo, bere komandante batekin haserretu ondoren izan zuen tiroketaren ostean. Tadjikistaneko agintea duen Fronte Popularreko buruzagia hil zen tiroketa berean, komandante batek eta bost bizkarzainek ere bizia galdu zuten.

Egiptoko talde islamisten bonba batek bi lagun hil ditu Kairoko piramideetan

KAIRO

Bi pertsonaren heriotza eragin zuen atzo bonba indartsu baten leherketak Egiptoko hiriburuan, Poliziak jakinarazi zuenez. Bonba leherketa beti jendez bea dagoen Kairoko piramideen inguruko leku turistikoan gertatu zen. Polizi iturrien arabera, Mikerinos-en piramidetik gertu izan zen atentatua, hirigunetik 17 kilometrorra dagoen Gize auzoko bigarren piramiderik handienaren ondoan hain zuzen.

Azken egunotan, islamista erradikal egiptiarrek ugaltu egin dituzte atentatuak, beren kontra-

ko errepresio gogorrari erantzunez. Orain artean segurtasun indarren aurkako atentatuak egin dituzte, eta atzokoa ere talde islamistena izan zela esan zuten iturri ofizialek, atzerriko turistena aurka udazkenean egin zituzten atentatuei jarraipena emanez.

Asteburuan, lau bonba lehertu ziren Kairon, segurtasun indarren koartelen inguruan, eta horietan bi soldadu hil eta sei zibil zauritu ziren. Azken ekintza hauen inguruan, Hosni Mubarak lehendakariak CNN telebista kate iparramerikarrari eskainitako elkarrizketan, New Jersey estatutako iparramerikarrek elkar-

musulman bati leporatu zion Egiptoko talde islamistek atentatuak burutzeko laguntza ematea.

Mubarak Alemanian zegoen atzo, Bonnen hasi, Londresen segitu eta Washingtonen amaituko duen ibilaldian. Lehendakari egiptiarrak Ekialde Erdiko Bake Konferentziaz hitz egiteko eginiko bidaian, Egiptoko egoeraz ere mintzatzeko aukera aprobetxatzeko asmoa zeukan. 1992ko martxotik 1993ko otsaila arte, 31 islamista erradikal eta 14 polizia hil dira iturri ofizialen arabera Egipton. Talde islamistek, ordea, 150era igo dute beren «martiri» kopurua.



Hosni Mubarak.